

یکشنبه کونی 23 دسمبر 2012 تاریخیده آته انجمنی عیالار بولیمی تمانیدن آیده بیر مرته یولگه قویله یتکان پلی گروپ برنامه سینینگ نوبته کی برنامه سی کیمیریج شهریده **Arbury community centre** صالونیده شادلیک و صمیمی لیک بیر اورتمگه بولیب اوتدی. اوشبو بیغینده عایله لر ایستگی گه بنا آلدیندن ریجه لنگن ینگى میلادی ییل قوتلنیشی هم یولگه قویلدی. آته انجمنی نینگ عیالار بولیمی باشلیغی فرخنده ضیائی حفیظی محفلنی آله ایلتیب اوز سوزلری آره سیده شونده ی دیب ایتدی: " بیلگنیز دیک بیزنی افتخارلی اسلامی ینگى بیلیمیزگه هلی آیلر قالگن، بیراق بیز یشه یتکان اولکه ده میلادی ینگى ییل طنطنه سی هله قچان باشله ب دوام ایتماقده. کورگنیز کبی هر بیرده شادیانه لر و قوانچلر بار و بیز ایسه بو قیش فصلیده اولکه و اولکه داشلریمیزدن - قوم قرینداشلریمیزدن اوزاقلرگه یشه ماقده میز و بیللی که باشقه لر شادیانه لرینی کوریب اوز عزیز لریمیزی کوپراق ایسله میمز. قاله ویرسه شونده ی پیتلر اینگ کوپ پاله لرگه اثر قویشده دی. شوندن باعث عایله لر ایستگی بیلن بو گونکی پلی گروپ بیغینی گه ینگى میلادی ییل کیلیشینی هم اوز اسلوبی میزگه کوره قوتله میز تاکه پاله لریمیزگه قیزیقرلی و هیجان توله ساعتلر هدیه ایتیب شو وسیله بیلن اولرگه بیگانه بیر کلتور آره سیده اوز کلتورلریمیزی قنده ی قیلیب سقلش حقیده فکر و نمونه لر کورستیش گه حرکت قیله میز. "محفلنی بیرینچی بولیمیده ( اوقیماغ و یخشیراق اورگنماغ یوللری نیمه دیر؟ ) دیگن باش سوز توغریسیده فکر ملاحظه لر المشتیریلدی. عیالارگه قیزیق توشگن اوشبو موضوع دقتلرنی اوزیگه تارتیب قیزیق بیر سوزله شوو دوره سی یرتدی و خاتین قیزلر هم شو حقهده اوز تجربه لرینی اورتاقلاشدیلر. کیین دم آلیش اوچون بیرلگن آره ده مهمانلرگه چای و ایچک لر اکرام ایتیلدی. سونگره دن پاله لرگه تیگیشلی بولگن بولیمگه نوبت بیریلپ بو مرته پاله لرگه اوزبیکچه تیلی اورگنیش کورسی باشله تیلدی. شیرین شکر پاله لر اوزبیکچه اوقومه و یازمه نینگ بیرینچی سباق لرینی قیزیقیش بیلن اورگنیشگه اوریندیلر. آته لر ایسه اوشبو ابتکار دن خرسندلیک بیلدیریب پاله لریگه تمرینلرنی اجرا ایتیشگه یاردمچی بولدیلر. بیغین نینگ باشقه بولملریده ایسه پاله لر آته انجمنی حاضرله گن اویینچاغلر بیلن اوینه شیب خوشنود ساعتلر اوتکزیدیلر. افغانچه لذتلی بیمک لردن کیین بیغیش نینگ سونگ بولیمی یولگه قویلدی. پروگرام نینگ سونگی بولیمی ایسه اوزبیک و فارسچه موسیقه لری بیلن بیزه تیلیل دوستلیک و قوانچدن تولیق بیر اورتمده مهمانلرگه ینگى میلادی ییل نی قوتلش فرصتی بیریلدی. محفل کیچقرون گه چه دوام تاپیب شادلیک بیلن یکون تاپدی. آته انجمنی نینگ خاتین قیزلر بولیمی اوشبو بیغینگه قتنشگن عزیز مهمانلر و بیغین نینگ یولگه قویلیشی اوچون خدمت کورستگن انجمن اعضالریدن چین یورکدن قدردانلیک بیلدیریب اولوغ تینگری درگاهیدن ساغلیک و بردملیک آرزو ایتده دی. آته انجمنی خاتین قیزلر بولیمی باشقروچیسفرخنده ضیائی حفیظی